



Public Interest  
Advocacy Center

Fondacija „Centar za zastupanje građanskih interesa“

## OBAVIJEST ZA MEDIJE

### To je naš novac!

**Mjesečne obaveze prema državi prosječne četveročlane obitelji u FBiH iznose 757 KM - 83,4 posto anketiranih ne zna da oko 120.000 ljudi prima plaću iz budžeta svih nivoa vlasti u BiH – Najvažnije odluke o javnim financijama donose se bez članova parlamenta**

(SARAJEVO, 11.novembar 2009.) – Danas je u organizaciji Fondacije CPI održana konferencija za novinare „To je naš novac!“, na kojoj je, između ostalog, predstavljena visina mjesečnih izdvajanja prosječne četveročlane obitelji u državne budžete i javne fondove.

Bivši predsjednik Upravnog odbora Fondacije, gosp. Samir Mušović prisutne je upoznao sa činjenicom da u Federaciji BiH, prosječna četveročlana obitelj sa jednim zaposlenim, mjesečno izdvaja 757 KM u državne budžete i javne fondove. On je posebno naglasio da je izdvajanje za državnu kasu najveća stavka u mjesečnom budžetu koja mora biti podmirena unatoč tome što plaća nije dovoljna ni za podmirivanje osnovnih životnih potreba prosječne obitelji, prema potrošačkoj korpi. „Od 2006. godine javni prihodi su rasli prosječno 11 % godišnje, rashodi također, ali većom stopom od rasta prihoda (prosječno 20,3 %), čime premašuju prihode i krajem 2008. godine odlazimo u deficit“ istakao je gosp. Mušović. On je također upozorio na činjenicu da najvažnije odluke o javnim приходima i javnim rashodima donosi 6-7 osoba iz izvršne vlasti u BiH, bez ijednog člana bilo kojeg od 13 parlamenata, dakle bez demokratskog legitimiteta izabраних predstavnika na općim izborima.

Prof. dr Hasan Zolić prezentirao je izračun poreznog opterećenja građana po metodologiji Svjetske banke, prema kojem vladin sektor po prosječnoj obitelji mjesečno utroši čak 1080 KM. „Od ukupne potrošnje Vladin sektor 43 posto novca utroši na svoje plaće, robe koje troši i usluge kojim se koristi“, naglasio je prof. dr Zolić.

Prema rezultatima istraživanja, „čak 89,8 posto ispitanika ne zna niti otprilike koliko je novca prikupljeno na svim nivoima vlasti u BiH u toku 2008.godine, dok 83,4 posto anketiranih ne zna da 120.000 ljudi prima plaću iz budžeta svih nivoa vlasti u BiH“ rekao je gosp. Dino Đipa, direktor Prism Research agencije. Istraživanja su provedena na slučajnom uzorku od hiljadu punoljetnih građana BiH u oktobru ove godine.

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim financijama.

Prezentaciju u PDF formatu možete download-irati sa:

<http://www.cpi.ba>

